



## Кун нафаси

Президент Шавкат Мирзиёев 27 апрель куни қишлоқ хўжалигида лойиҳаларни амалга ошириш ҳамда таълим сифатини яхшилаш масалалари юзасидан йиғилиш ўтказди.



Давлатимиз раҳбарининг «Қишлоқ хўжалиги маҳсулотларини етиштириш харajatларини молиялаштириш ва уларни харид қилиш тизimini такомиллаштириш чора-тадбирлари тўғрисида»ги қарори қабул қилинди.



Ўзбекистон Республикаси Бош вазирининг ўринбосари – инвестициялар ва ташқи савдо вазири **С.Умурзоқов** Тожикистон Республикаси саноат ва янги технологиялар вазири **Ш.Кабир** билан учрашди.



Олий Мажлис Сенати Кенгашининг мажлисида Ўзбекистон Республикаси Бош вазири ўринбосарларининг ҳудуд ва тармоқларда янги иш ўринларини яратиш бўйича амалга оширилатган ишлар тўғрисидаги ахбороти эшитилди.



Ўзбекистон Республикасининг Шанхай ҳамкорлик ташкилоти (ШХТ)га раислиги доирасида Тошкент шаҳрида Инновацион ривожланиш вазири Иброҳим Абдураҳмонов раислигида ШХТга аъзо давлатлар илмий-техникавий ҳамкорлик учун масъул вазири ва идоралари раҳбарларининг олтинчи мажлиси бўлиб ўтди.



Шароф Рашидов номидаги Самарқанд давлат университетида Латвия ҳаёт фанлари ва технологиялари университети ректори **Ирина Пилвер** бошчилигидаги делегация билан учрашув ташкил этилди.



Тошкент шаҳридаги «Ўзэкспомарказ» Миллий кўргазмалар мажмуасида 25-27 апрель кунлари «Иннопром. Марказий Осиё» халқаро саноат кўргазмаси бўлиб ўтди.



Пойтахтимиздаги «Анҳор» истироҳат боғида «UzTextile Expo 2022» – Тўқимачилик ва тикув-трикотаж саноати халқаро кўргазмаси очилди.



Хива шаҳрида «Лазги» халқаро рақс фестивали давом этмоқда.



# Ishonch

Юрт тараққиёти йўлида бирлашайлик!

2022 йил  
28 апрель  
пайшанба  
№ 53  
(4649)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

## 28 апрель – Бутунжаҳон меҳнатни муҳофаза қилиш куни



2



Хоразм вилояти

Жамоа шартномаси – амалда!

## Барча бандлар бажарилган

Ўзбекистон касаба уюшмалари Федерацияси Хоразм вилояти кенгашида умумжамоа йиғилиши бўлиб ўтди. Унда кенгаш маъмурияти ва касаба уюшма қўмитаси ўртасида 2020-2022 йиллар учун тузилган жамоа шартномасининг 2021 йилда бажарилиш ахбороти ҳамда 2022 йилга қўшимчалар киритиш тўғрисидаги масалалар ўрин олди.

занди «Жайхун кўеши» ҳамда «Шодлик» болалар соғломлаштириш оромгоҳларида дам олишди. Йиғилишда касаба уюшма қўмитаси раиси ишчи-ходимлар мунтазам шуғулланиши учун спорт хонаси ташкил этиш ва хонани зарур жиҳозлар билан таъминлаш таклифини илгари сурди.

2021 йилда амалга оширилган ишлар тўғрисида кенгаш раиси ўринбосари Фармон Аллабергановнинг ахбороти тингланди. Таъкидландики, ҳисобот даврида жамоа шартномасининг барча бандлари бажарилишига эришилган. Бошланғич касаба уюшма қўмитаси раиси Озод Исмоилов ўз ахборотида ходимларни қўллаб-қувватлаш, соғломлаштириш, бўш вақтларини мазмунли ташкил этиш бўйича бажарилган ишлар тўғрисида тўхталди. Касаба уюшма қўмитаси томонидан меҳнатни муҳофаза қилиш, техника хавфсизлигини таъминлаш бўйича сезиларли ишлар олиб

борилмоқда. Корхона ва ташкилотларда соғлом ва хавф-хатарсиз меҳнат шaroитлари яратилган. 2021 йил давомида касаба уюшма қўмитасига келиб тушган 11 та ёзма ва 2 та оғзаки мурожаат тўла қаноатлантирилган. Ходимлар ва уларнинг оила аъзоларини соғломлаштириш мақсадида ижтимоий суғурта бюджетидан 3 та ва касаба уюшма бюджетидан 3 та имтиёзли йўланмалар ажратилган. Ўзги соғломлаштириш мавсумида кенгаш ходимларининг 5 нафар фар-

Шунингдек, кенгаш Жамоа шартномаси ижросини таъминлашда вилоятдаги барча ташкилотлар учун намуна бўлиши кераклиги алоҳида таъкидланди. 2022 йил учун жамоа шартномасига тегишли қўшимчалар киритилди.

Муҳаббат ТўРАБОЕВА,  
«ISHONCH»



Самарқанд вилояти

Ўзбекистон касаба уюшмалари Федерацияси Самарқанд вилояти кенгашининг навбатдаги ижроия қўмита йиғилиши бўлиб ўтди.

Унда вилоят ҳокимлиги, Савдо-саноат палатаси Самарқанд вилояти ҳудудий бошқармаси ҳамда касаба уюшмалари ўртасида 2020-2022 йилларга мўлжаллаб имзоланган ҳудудий келишувнинг 2021 йилдаги ижроси муҳокама этилди. Бугунги кунда ҳудудда аҳоли бандлигини таъминлаш, ишсизлик муаммоларини ҳал этиш борасида изчил чоралар кўрилмоқда. Биргина тадбиркорлик фаолиятини қўллаб-қувватлашга давлат жамғармаси ҳисобидан 100 миллиард сўмдан зиёд компенсация маблағлари ажратилган. Оилавий тадбиркорликни ривожлантиришга 866 миллиард сўмлик кредит маблағлари сарфланган. 11 минг 426 нафардан ортиқ ёшлар ва хотин-қизлар ўқитилиб, ишбилармонлик қобилияти юксалтирилди.

## Ижтимоий шериклик тамойиллари асосида

– Ижтимоий шериклик тамойилларига асосланган ҳудудий келишув ҳар учала томонга ҳам алоҳида масъулият юклайди, – деди вилоят ҳокимлиги вакили Акбар Қодиров. – Айни чоғда ҳамкорликда ҳал қиладиган масалалар ҳам оз эмас. Яширмаймиз, айни чоғда вилоятимизда истиқомат қилаётган 217 минг 400 нафар фуқаро турли мамлакатларда ишламоқда. Улар орасида иқтидорлар, ноёб касб соҳиблари ҳам бор. Эндиликдаги вазифа, қаноатлантирадиган иш таклифи қилиш орқали уларни оиласи бағрига қайтаришдир. Муҳокамаларда энг ишончли ижтимоий қафолат бу бандлик эканига ургу берилди. Ҳудудда бунга имкон бор. Хусусан, Ургант эркин иқтисодий зонаси ва кичик саноат зоналари орқали истиқболли лойиҳалар ўзлаштирилмоқда. Утган йил ушбу зо-

нада 286 миллион долларлик 60 та лойиҳа ишга туширилган бўлса, кичик саноат зоналари бўйича 92 та лойиҳа ўзлаштирилиб, 380 миллиард сўмлик инвестиция киритилган. Натижада минглаб одамлар муносиб шароитли иш ўринларига эга бўлмоқда. «Бир маҳалла – бир маҳсулот» ташаббуси ижросидан ҳам фуқаролар мамнун. Вилоятнинг 10 та туманида захирада фойдаланмаётган 184 гектар ер майдонида 23 та кооперация ташкил этилди. Бу эса 876 нафар ишсиз фуқарони фойдали юмуш билан банд қилди. Ижроия қўмита йиғилишида уч томонлама ҳудудий келишув ва кун тартибига киритилган барча масалалар муҳокама этилиб, тегишли қарорлар қабул қилинди.

Нурилла ШАМСИЕВ,  
«ISHONCH»

**Xolis fikr**  
t.me/xolisfikr

**Ўзбек тилини бунча хўрлашмасе**

Халқ таълими вазирлиги томонидан тақдим этилган Ўзбекистонда мактаб ўқувчилари учун мажбурий ва пулли бўлган «Кундалик» иловасининг ўзбекча саҳифалари.

**Баъзи гапларга эътибор қаратинг:**  
«1 вазифадан 4 бажарилди»;  
«ўрта учун барча фанлардан 4 чорак балига асосланиб»;  
«Дарс ўтказвотти»;  
«Вазифанинг матнини нусхалаш»...

Қайси тилда ёзилган бу? Намунча ўзбек тилини бунча хўрлашмасе? Имловий хатоларни ҳали санамадим, улар ғиж-ғиж. Айтишларича, бу илова вазирлик томонидан мажбурлаб ҳамма ота-оналарга пуллиқ обуна қилинган экан. Оммага чиқариш олдида наҳотки бирорта мутахассис бу иловани кўздан кечириб бермаган бўлса?

Уят!

Бехзод Мамадиев  
https://t.me/xolisfikr





